

DIR. GA PARTISIPA LORON INTERNASIONAL FETO

Kinta-Feira, Loron 7 fulan Marsu tinan 2019, Diretora Gabinete de Asesoria, Sra. Domingas Maia Barros, akompaña hosi Asesora Juridiku Flaviana José Cristovão ho Sr. Januario Amado Soares, partisipa Serimonia Loron Internasional Feto ho Tema “Hanoin Hanesan, Harií ho Matenek, Halo Inovasaun ba Mudansa”, iha Postu Administrativu Liquiça, Munisipiu Liquiça. Iha diskursu Sekretária Estadu Igualdade no Inkluzau (SEII), Maria José da Fonseca Monteiro de Jesus, hateten katak loran 8



fulan Marsu hanesan loran internasional ba feto hotu iha mundu tomak, selebra loran historia hodi komemora luta feto nian ba igualdade ne'ebe feminista sira nian, ba organizasaun ho esforsu hamutuk ho sidadaun hotu iha mundu tomak defende asuntu direitu ema nian no igualdade jeneru. Iha loran ne'e mos hanesan oportunidade ida atu promove no buka dalan foun hodi halakon bareira, halais progresu igualdade jeneru no hakbit feto no ba labarik feto sira. Timor-Leste hahú selebra loran Internasional Feto iha tinan 1976 iha ailaran ne'ebe rezulta marsa loran 8 fulan marsu. Sekretária Estadu Igualdade no Inkluzau (SEII) no Ministeriu Negosiu Estranjeiru no Koperasaun (MNEC) hetan apoia makas hosi maluk sira iha nasaun seluk hosi embaxador sira ne'ebe servisu iha Timor-Leste hamutuk ho Autoridade Munisipal no Lokal, Instituisaun oin-oin hodi bele selebra loran internasional feto ho nune'e bele hametin unidade. Mensajen husi loran Internasional ne'e mak oinsa halo reflesaun, advokasia, foti asaun no promosaun ba igualdade jeneru no hakbiit feto no labarik feto sira iha Timor-Leste. Alein de ida ne'e mos atu hamosu no hametin ligasaun feto Timor-Leste ho Feto sira husi rai seluk atu bele fahe esperensia ba malu, apoia malu hodi reforsa advokasia iha nivel internasional bele sai forte liu tan. Eventu ida ohin mos atu komemora susesu hotu feto Timor-Leste nian iha setor hotu, liu-liu setor ekonomia, Polítika, sosial no kultura. Iha tinan 2019 ho tema global iha ambitu selebrasaun loran internasional feto ho tema “Hanoin ho Igualdade, Harií ho Matenek, Halo Inovasaun ba Mudansa”, atu hare oinsa feto sira no espelikasaun, muda maneira hanoin atu planu no investimentu públiku no tetu nesesidade no benefisiu ba feto sira. Serimonia ne'e partisipa hosi Vice Prezidente Parlamentu no membru Parlamentu Nasional Quinta Lejislatura, Membru VIII Governu Konstitusional, embaixador sira iha Timor-Leste, Korpu Diplomátikus, Autoridade Lokal Munisipiu Likisa, Polisia Nasional Timor-Leste (PNTL) no estudante sira. Alein ne'e ekipa komisaun organizadora mos fó tempu ba partisipantes hala'o vizita ba baraka ne'ebe komisaun organizadora prepara ona, iha fatin hanesan partisipante sira koko gratuitamente aihan ne'ebe prepara ona husi grupu ida-idak husi nasaun sira iha mundu maka dadaun ne'e halao hela sira nia misaun diplomatiku iha Timor-Leste e fahe mos esperensia konaba kultura husi nasaun ida-idak. Serimonia ne'e ensera husi Ministru Negosiu Estranjeiru no Koperasaun (MNEC), Dr. Dionisio Babo Soares. [#Fatinha](#)

CFP HALO SOSIALIZASAUN BA DALA IKUS IHA MI

Dili, Sexta-Feira, 23/11/2018, Komisariu Forsa Trabalho Sr.José Teló no Komisariu Disiplinar Sr.Antonio Freitas hosi Comisaun Funsan Publika (CFP), halao sosializasaun ba dala ikus iha Ministeriu Interior. Iha prosesu sosializasaun refere, sita mos Dekretu Lei numeru 1/2018, kona-ba promosaun pessoal iha kareiras Administrasaun Publikas, no esplika detalhus ligadu ho prosesu disiplinar ba funsionarius publiku sira. Sosializasaun refere, halao Iha Salaun Ministeriu Interior Vila-Verde, Dili. [#Alan#](#)



HAPARA VIOLNSIA NO HATETE LAE BA VIOLENSIA HASORU FETO NO LABARIK

Maibisse- Iha loron, 25 Novembru 2018, Diretora Nasional ba Diresaun Nasional Prevensaun Konfliktu Komunitaria (DNPCK), Sra. Lidia Lopes de Carvalho hamutuk ho komitiva husi Ministeriu Interior, partisipa abertura kampanha loron 16 ativismu kontra violensia hasoru feto no labarik feto, ho tema “Hapara forma Violensia oin-oin hasoru feto no hatete lae ba violensia hasoru feto no Labarik feto”. Abertura ne’e hala’o iha Postu administrativu Maubisse Munisipiu Ainaro. Ba tinan 2018, atividade



kampanha loron 16 ativismu kontra violensia hasoru feto no labarik feto, organiza husi Sekretaria Estadu Inklusaun Sosial (SEII), no abertura hahu loron ohin, iha Maubisse, no kontinausaun iha Nivel Munisipiu sira. Ita hotu-hotu hatene katak, durante loron 16 komesa husi 25 Novembru to’o 10 Dezembru, nasaun hotu-hotu halo atividade oin-oin atu bele haberan informasaun no hametin comunidade sira atu bele kombate violensia kontra feto no labarik. Loron ativismu ida ne’e hahu husi loron 25 Novembru ne’ebe mundu konese hanesan Loron Internasional Eliminaun Violensia Kontra Feto iha mundu tomak no sai hanesan loron importante ba ita hotu atu bele konkritiza liu-tan

ita nia komitmentu ba harii paz iha ita nia familia, ita nia comunidade no ita nia nasaun. Hamutuk iha sosiedade international iha Loron Eliminaasaun Violensia Hasoru Feto, 25 Novembru mai ita hotu hatudu asaun ida hodi bele harii relasaun saudavel, no respeitu ita nia parseiru no membru familia sira. #Gina
